

Siusinaartumik Pensionisiaqarnermut Maalaaruteqartarfik



SOOQ SIUSINAARTUMIK PENSIONISIAQARNERMUT MAALAARUTEQARTARFIMMUT NAAMMAGITTAALLIUSSAANGA?

Siusinaartumik Pensionisiaqarnermut Maalaaruteqartarfiup siusinaartumik pensionisiaqarnermut inuullu procentinngorlugu sulisinnaassusianut, tassa inuk qanoq sulisinnaatiginersoq kommunip naliliinera, tunngasunik maalaarutitik suliaqartarpoq,

Tassa imaappoq, illit sulisinnaassutsinnut qanorlu sulisinnaatigininnut tunngatillugu kommunip aalajangiinera isumaqatiginngikkukku, taava maalaaruteqartarfimmut kommunip aalajangiinera maalaarutigisinnaavat, qanorlu sulisinnaatigininnut tunngatillugu nutaamik nalilerneqarlutit. Ass. procentinngorlugu sulisinnaassutsivit appasinnera pissutigalugu siusinaartumik pensionisiaqarusullutit kommunimut qinnuteqarsimaguit itigartinneqarsimallutilli.

Oqaasiinnakkut allakkatigullu aalajangiinerit tamaasa maalaaruteqartarfimmut maalaarutigisinnaavatit. Siusinaartumik Pensionisiaqarnermut Maalaaruteqartarfimmut maalaaruteqarniaruit sulisinnaassutsivit procentinngorlugu annertussusia pillugu maalaarummik **qanorluunniit** imaqassaaq, siusinaartumillu pensionisiaqarnissamut itigartitsissummik **imaqarsinnaavoq**.

QAQUGUKKUT SIUSINAARTUMIK PENSIONISIAQARNERMUT MAALAARUTEQARTARFIMMUT MAALAARUTEQARSINNAAVUNGA?

Kommunip oqaasiinnakkut imaluunniit allakkatigut aalajangiinerata kingorna kingusinnerpaamik **sapaatit akunneri 6-t** qaangiutsinnagit naammagittaalliuuteqassaatit. Tamannali taamaallaat atuuppoq kommunip allakkatigut naammagittaalliornissamut ilitersuussimappatit.

QANOQ ILILLUNGA MAALAARUTEQASSAANGA?

Naammagittaalliuuteqarnissamut periarfissat ukuupput:


- Naammagittaalliummik immersuiffissaq onlinekkut immersorlugu [Siusinaartumik Pensionisiaqarnermut Maalaaruteqartarfimmut maalaarummik immersuiffissaq](#), imaluunniit pappiaraq anillatseriarlugu, nammineq immersoriarlugu nalinginnaasumik allakkatigut nassiullugu.
- Allakkiorlutit uungalu nassiullugu Imaneq 29.1.Sal, 3900 Nuuk. Postboks 689.
- Mailerlutit uunga: maalaarut@nanoq.gl
- Sianerlutit normumut uunga: 32 80 33

MALUGIUK. Allakkatigut aalajangiineq pappiaqqallu allat kommunimeersut ilanngukkukkit iluaqutaassaaq, ass. mailikkut allaqatigiinnerit, nakorsamit allagarsiussaq, peqqissaasup oqaaseqaatai imaluunniit Pissassarfimmit oqaaseqaatit il.il. Pappiaqqat taakku aalajangiisoqarnerata eqqortuunnginneranik uppersaataasinnaapput.

MAALAARUTEQAREERUMA QANOQ ILIUSSAANGA?


Maalaarutip suliarinissaanut suliap sivisussusia agguaqatigiissillugu maanna qaammatinik pingasunik affarmillu sivisussuseqarpoq, tassa imaappoq qaammatit pingasut affallu missaanni qaangiuppata aatsaat Siusinaarluni Pensionisiaqarnermut Maalaaruteqartarfimmit akissutisissaatit.

Qanoq pisoqarnerani Siusinaartumik Pensionisiaqarnermut Maalaaruteqartarfimmut maalaaruteqarsinnaanermut assersuut





Inuk qitimigut anigorsinnaangisaminik nappaateqalersimavoq, nakorsarlu oqarpoq sulisinnaassusia procentingorlugu annikitsuararsuusoq. Taassuma kingorna Inuup sulisinnaassusia apparsimasoq nalilerneqarpoq.

Taamaattumik Inuk kommunimut siusinaartumik pensionisiaqarnissaminik qinnuteqarpoq. Qulaajaaneq ingerlannikuuaa illoqarfimmi pisiniarfinni assigiinngitsuni sulilluni. Kommunip nalilerpaa sulisinnaassusia sapaatip akunneranut akunnerit 15-iusut. Kisianni Inuk nakorsamit allagarsiusamik pivoq tassanilu nakorsap nalilerpaa Inuk sulisinnaangitsoq.



Inuk siusinaartumik pensionisiaqartariaqarsorivoq, tassami timini sulisinnaangimmat. Taamaattumik Inuk Siusinaartumik Pensionisiaqarnermut Maalaaruteqartarfimmut maalaaruteqarpoq sulisinnaassutsimi nalilerneqara maalaarutigalugu.

Siusinaartumik Pensionisiaqarnermut Maalaaruteqartarfiup Inuup maalaarutaa tiguaat kommunimillu suliamut Inummut tunngasumut paasissutissanik piniarlutik. Maalaaruteqartarfiup aalajangiuppaa kommunimi kukkusumik aalajangiisoqarsimasoq suliarlu Inummut tunngasoq kommunimut utertippaat suliareqqitassanngorlugu.



Kommunip suliaq suliareqqippaat maalaaruteqartarfiullu aalajangiinera naapertorlugu nalileepput nutaamillu aalajangiillutik. Kommunip nalilersueqqinneratigut Inuk siusinaartumik pensionisalerpoq. Inuk nuannaarpoq ernuttamilu ilaginissaannut nukissaqaqqilerluni.